

觀虛空藏菩薩經

劉宋罽賓三藏曇摩蜜多譯



南無本師釋迦牟尼佛

說明

本繁體校正版《觀虛空藏菩薩經》電子書，根據《乾隆大藏經》大乘大集部，第 0066 部，劉宋罽賓三藏曇摩蜜多譯《觀虛空藏菩薩經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一九年八月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禳日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

觀虛空藏菩薩經

劉宋罽賓三藏曇摩蜜多譯¹

如是我聞：

一時，佛住佉陀羅山，依正覺仙人所住處²，與千二百五十比丘俱；賢劫千菩薩，彌勒為首。

爾時，長老優波離，即從坐起，整衣服，為佛作禮，白佛言：「世尊！世尊先於³功德經中，說虛空藏菩薩摩訶薩名，能除一切惡不善業，治王旃陀羅乃至沙門旃陀羅諸惡律儀，如此惡事若欲治者⁴，當云何觀虛空藏菩薩？設得見者，云何共住布薩僧事？若優婆塞破五戒、犯八戒齋，出家比丘、比丘尼、沙彌、沙彌尼、式叉摩那⁵犯四重禁，在家菩薩毀六重法，出家菩薩犯八重禁，如是愚⁶人，世尊先於毗尼中說，決定驅擯⁷，如大石破。今於此經，說大悲虛空藏能救諸苦，及說呪以除罪咎。設有此人，云何知之？以何為證？

¹ 麗藏：宋罽賓三藏曇摩蜜多譯

² 麗藏：之處；永樂北藏及龍藏：處

³ 麗藏：世尊先於；永樂北藏及龍藏：世尊！世尊先於

⁴ 麗藏：治；永樂北藏及龍藏：治者

⁵ 麗藏：尼；永樂北藏及龍藏：那

⁶ 麗藏：過；永樂北藏及龍藏：愚

⁷ 麗藏：擯；永樂北藏及龍藏：擯

惟願世⁸尊，分別解說。」

佛告優波離：「汝及未來世一切善持毗尼者，應當教此犯罪眾生，安慰其意：『世尊大慈，弘誓無量，不捨一切，於深功德經說治罪法，名決定毗尼。有三十五佛教救世大悲⁹，汝當敬禮。汝敬禮時，當著慚愧衣，如眼生瘡深生恥媿¹⁰，如癩¹¹病人隨良醫教。汝亦如是，應生慚愧。既慚愧已，一日乃至七日，禮十方佛，稱三十五佛名，別稱大悲虛空藏菩薩名。澡浴身體，燒眾名香，堅黑沈水。明星出時，長跪合掌，悲泣雨淚，稱虛空藏，白言：「大德！大悲菩薩！愍念我故，為我現身。」

「『爾時，當起是想：是虛空藏菩薩頂上有如意珠，其如意珠作紫金色。若見如意珠，即見天冠。此天冠中，有三十五佛像現，如意珠中十方佛像現。虛空藏菩薩身長二十由旬，若現大身，與觀世音等。此菩薩結跏¹²趺坐，手捉如意珠王，其如意珠演眾法音與毗尼合。

「『若此菩薩憐愍眾生故，作比丘像及一切

⁸ 麗藏：天；永樂北藏及龍藏：世

⁹ 麗藏：有三十五佛，救世大悲；永樂北藏及龍藏：有三十五佛教救世大悲

¹⁰ 麗藏：愧恥；永樂北藏及龍藏：恥媿

¹¹ 麗藏：癩；永樂北藏及龍藏：癩

¹² 麗藏：加；永樂北藏及龍藏：跏

像¹³，若於夢中，若坐禪時，以摩尼珠印，印彼人臂，印文有除罪字，得此字已，還入僧中如本說戒。若優婆塞得此字者，不障出家。設不得此字，使¹⁴空中有聲唱言：「罪滅¹⁵！」若無空聲使知毗尼者，夢見虛空藏¹⁶告言：「毗尼菩薩¹⁷，某甲比丘、某甲優婆塞，更令懺悔。」一日乃至七七，禮三十五佛，虛空藏菩薩力故，汝罪輕微。知法者，復教令塗治圜廁，經八百日，日日告言：「汝作不淨事，汝今一心塗一切廁，莫令人知。塗已澡浴，禮三十五佛，稱虛空藏，向十二部經，五體投地，說汝過惡。」如是懺悔，復經三七日，爾時，智者應集親厚，於佛像前，稱三十五佛名，稱虛空藏名、稱文殊師利¹⁸、稱賢劫菩薩，為其作證，更白羯磨，如前受戒¹⁹。此人因苦行力故，罪業永除，不障三種菩提業。』

佛告優波離：「汝持是觀虛空藏法，為未來世無慚愧眾生多犯惡者，廣分別說。」

說是語時，虛空²⁰藏菩薩結跏趺坐，放金色

¹³ 麗藏：色像；永樂北藏及龍藏：像

¹⁴ 麗藏：便使；永樂北藏及龍藏：使

¹⁵ 麗藏：罪滅罪滅；永樂北藏及龍藏：罪滅

¹⁶ 麗藏：虛空藏菩薩；永樂北藏及龍藏：虛空藏

¹⁷ 麗藏：毘尼薩毘尼薩；永樂北藏及龍藏：毗尼菩薩

¹⁸ 麗藏：稱文殊師利；永樂北藏及龍藏：稱虛空藏名、稱文殊師利

¹⁹ 麗藏：戒法；永樂北藏及龍藏：戒

²⁰ 麗藏：時虛空；永樂北藏及龍藏：虛空

光，如意珠中現²¹三十五佛已，白佛言：「世尊！我此如意珠寶從首楞嚴生²²，是故眾生見珠者，得如意自在。」

爾時，世尊勅優波離：「汝持此經，不²³為多眾廣說，但為一人，持毗尼者。為未來世無眼²⁴眾生，作眼目故，慎莫忘失。」

時，優波離聞佛所說，歡喜奉行。

觀虛空藏菩薩經

右《觀虛空藏菩薩經》，按《開元錄》，系是單譯，止有二紙。經後舊尚有八紙經文，准校勘大藏竹堂講師批，該是後人採集虛空藏經咒，並諸經中佛名及咒，以為勸世修行法，不可連在《觀虛空藏經》後，下竺本及福本皆無。又按此經，世尊先于深功德經說治罪法，名決定毘尼。有三十五佛者，即出《寶積經》第九十卷“優波離會”，與《決定毘尼經》同本，余文皆例此。然詳觀所批，理亦可以意會，徒存似是，姑為刪之。

²¹ 麗藏：見；永樂北藏及龍藏：現

²² 麗藏：出；永樂北藏及龍藏：生

²³ 麗藏：不得；永樂北藏及龍藏：不

²⁴ 麗藏：眼目；永樂北藏及龍藏：眼

● 結誦儀

虛空藏菩薩陀羅尼

(三遍)

阿蜜栗舍。阿蜜栗舍。迦樓尼迦。遮羅。遮羅。
毗遮羅。珊遮羅。迦樓尼迦。羅母羅母。母樓。鞞
迦陀履。摩目佉。浮樓闍婆柰迦樓尼迦。眞多摩尼。
富羅邪迦樓尼迦。薩埵舍迷他跋夜。阿若陀梨。
踣鈴踣鈴。羅底。毗鞞迦鈴。臺栗致毗鞞迦鈴。迦
樓尼迦。否梨夜鬪磨磨。阿奢。薩埵跋履。波迦夜。
阿輸迦伽底。娑婆呵。

虛空藏菩薩呪

(三遍)

阿禰邏闍鞞。鈴浮娑闍鞞。耶婆柰闍鞞。博廁
娑迷。波吒邏闍鞞。他柰婆邏鞞。薩多羅伽邏泥。
休磨休磨。摩訶伽樓尼迦。娑婆呵。

補闕圓滿真言

(三遍)

唵。呼嚧呼嚧。社曳穆契。莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

三十五佛名

(合掌三編)

娜謨釋迦牟尼佛. 娜謨金剛堅固能摧佛. 娜
謨寶焰佛. 娜謨龍自在王佛. 娜謨勤勇軍佛. 娜
謨勤勇喜佛. 娜謨寶火佛. 娜謨寶月光佛. 娜謨
不空見佛. 娜謨寶月佛. 娜謨無垢佛. 娜謨離垢
佛. 娜謨勇施佛. 娜謨淨行佛. 娜謨梵施佛. 娜
謨水王佛. 娜謨水天佛. 娜謨賢吉祥佛. 娜謨無
量威德佛. 娜謨栴檀吉祥佛. 娜謨光吉祥佛. 娜
謨無憂吉祥佛. 娜謨那羅延吉祥佛. 娜謨華吉祥
佛. 娜謨蓮華光遊戲神通佛. 娜謨財吉祥佛. 娜
謨念吉祥佛. 娜謨善稱揚名號吉祥佛. 娜謨帝幢
旛王佛. 娜謨鬪戰勝佛. 娜謨勇健吉祥佛. 娜謨
勇健進佛. 娜謨普遍照曜莊嚴吉祥佛. 娜謨寶蓮
華遊步佛. 娜謨寶蓮華妙住山王佛.

南無虛空藏菩薩摩訶薩 (合掌三稱)

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

